

卷五十六

書名 群書考索後集六十五卷
正德十三年建陽劉氏慎獨書齋刊本

撰者 宋 章如愚 撰
卷 五十六

內容分類 子-類書-彙考-宋
子部-類書-17
索書號 C5930500
編號

彩色首頁

[東洋文化研究所漢籍目錄](#) 編號: C5930500

[東洋文化研究所漢籍目錄所藏漢籍善本文影像資料庫](#) 索書號: 子部-類書-17

[漢籍善本文影像資料庫文本](#) [群書考索後集六十五卷](#) 正德十三年建陽劉氏慎獨書齋刊本

版權所有: 東京大學 東洋文化研究所

[使用上的注意事項](#)

群書考索卷之一

官制門

官數

唐官六十
官未聞堯舜同道或皆六十并屬官而言則皆有百

虞官六十
堂位曰有虞氏

夏官一百
明堂位曰夏官尚書云夏商官
倍則當二百矣而鄭云百二十

商官二百
明堂位曰商官二百而鄭
云二百四十合依鄭說

周官二千六百七十五人
內二千六百四十三人外諸侯
國官六萬一千。三十二人

秦制爵
賞功勞

漢官七千五百六十七人
內一千五百一十二人外
丞相凡十三萬二千八百八十五人
哀帝時官數兼
諸侯州郡胥吏

後漢文武官七千五百六十七人
內一千五百一十二人外
都計內

山堂先生章俊卿編輯
建陽知縣區玉刊行

後集

東方文化學院東京研究所

No. 109



群書考索卷五十六

後集

山堂先生章俊卿編輯

建陽知縣區玉刊行

元峯蕭泗校正

財賦門

役類

三代役法莫詳於周周禮五兩軍師之法此兵役也惟田追胥之法此徒役也胥徒之有其人此胥役也比閭族黨之相保變此鄉役也有司徒焉則因地之善惡以均役有族師焉則校民之衆寡以起役有鄉大夫焉則以年之老少以從役有均人焉則論歲之豐凶以行役役之衆矣

秦廢井田開阡陌氏始困於役商鞅立法一歲屯戍一歲力役三十倍於古

漢高初興十里一亭十亭一鄉置三老以事相教復勿經役以畜夫收

豐曾公所謂民或老死而不知加力政然憂憐但惻常謹復除之科急擅興之禁蓋未嘗與一暴役者此也鄉戶致力以供上歲月番休勞免相代吏若徇理不以非法加民則被役之家本無大苦然役人既為稅戶家有產業誅求必得吏少庶隅不免侵取此役之所由弊而蘇公轍所以拳拳言之也科役既多人規避免天下始有不均之患

神宗即位之初詔臣寮集議役法更議蓋始於此因三司韓絳之請也。熙寧以來始有募役之法錢收上戶緡錢以助役加以二分寬剩為水旱之備人立保五以防民姦民以保甲相聯屬而官數民錢以募役二者若不相病一時名臣如司馬公蘇文忠公極議其免役之失而卒不能奪荆公新法之謀。熙寧十年知彭州呂陶奏朝廷欲寬力役立法召募初無過歛之意有司奉行過當增添科出謂之寬剩自六年行役法至今四年本州已有寬剩四萬八千餘貫以成都一路計之無慮五六十萬推之天下當有六七百萬貫寬剩矣書不報。元豐七年計天下免役歲收千八百七十餘萬緡而場稅之入粟帛之收不與焉。

元祐更差法間有兼募者。紹聖又復改議而差法行矣。初神宗立役錢嘗名為即役矣慮名以為助則是未能盡免異時或有循名以行既差役又歛錢於是槩名曰免役以杜塞之。紹聖中詔諸縣毋得以催稅追甲頭保長母得以雜事追保正副在任官不得以承帖為名占破使令者坐賦輸錢管催督租州縣輒令陪備輸納以違制論。崇寧初尚書省言民戶既以輸錢免役豈可復差前嘗令大保畏催稅而不給雇直是為差役非免役也於是詔提舉司以元輸雇錢如舊法均給。元豐舊法有管長戶丁壯丁三色雇錢者長管煙火戶長僚稅壯長承文引。紹興十年後臣僚言增免行雇役錢充軍須收入總制案名自後三色無庸錢勸率義役渡江兵興用度不給雇役之錢非復曩日之舊併與所謂寬剩者皆入經賦而民之應役者如故也。唐人有田則有租今之秋苗是也。有家則有調今之稅絹是也。有免則有庸今之役錢是也。其後併租庸而為兩稅而役錢蓋在其間今兩稅之外復隨稅起科役錢。

孝宗乾道元年指揮官戶役錢不以品格高下並與減半却於編戶增
科。乾道三年六月四日聖旨官戶與編戶一等輸納更不減年將所
增科錢委諸路常平司拘收起發由是刊戶陪增役錢官戶於正科之
外復納不減半之直是庸錢數倍多取且復役期先以充著戶長其
無藝者唐人水旱損四則免租損六則免調損七則租庸調俱免今水
旱十分去處而夏稅役錢未有減免之文。出田糶以助義役始於乾
道間處之松楊兩都憚於役者也隨役戶之多寡量家力之薄輸金
植田遇當役者以田助之。撥官田給當役便民淳熙中適臣有請計
浙西一路共官田一百一十五萬四千七百餘畝欲各以縣分均給諸
郡以充義役

官戶混差

罷保正以去民害乾道間嘗行之矣選官戶以通差乾道間嘗議之矣
卒不能通行於後世

平糶常平義倉

齊管仲相威公通輕重之權曰歲有凶穰故役有貴賤民有餘則輕之
人君斂之以輕民不足則重之人君散之以重輕重斂散之以時則大
賈蓄家不得豪奪吾民矣又曰守國者守穀而已州縣必積委幣於是
縣州里受公錢秋國穀去三之一下令郡縣大夫里邑皆籍粟入若干
穀價一也以藏於上平糶之法蓋起於此。李悝為魏文侯作盡地力
之教曰糶甚貴傷民甚賤傷農善平糶者必觀歲上中下而糶之使價
平則止小飢則發小熟之斂中飢則發中熟之斂大飢則發大熟之斂
故雖遇水旱糶不貴而人不散將有餘而補不足也魏國行之富強。
晉武帝穀賤而布帛貴帝欲立平糶法詔曰古有平糶之法久廢令國
實散於穰歲而上不收貧人困於荒年而國無備議為條制。宋元嘉
中彭城王義康靖令積蓄之家留一年儲餘皆動使糶為制平價入頓
之矣。後魏孝莊時李彪請析州郡常調九分之二京師度支歲用之
餘各立官司年豐則糶積於倉時儉則減私之十二糶之。迨明帝神
龜正光之際收賓資與人和糶為邊備也。唐天寶中以錢六十萬緡

付諸道穀賤則加價而糴貴則賤價而糴此和糴之始也。故八年自關內至隴右和糴總一百一十三萬九千餘石及德宗時至趙光竒家問民樂對曰不樂曰止歲豐稔何為不樂曰雖云和糴其實強取至憲宗時府縣之督甚於稅賦號為和糴其實害民此歷代平糴之制也

漢宣帝五鳳中景壽昌請令邊郡皆築倉以穀賤時增其價而糴以利

農貴時減價而糴名曰常平倉民便之時蕭望之非壽昌也元帝即位

諸侯多言常平倉可罷無與民爭利初元五年罷之。後漢明帝與置

常平公卿多以為便劉般云外有利民之名內實侵刻百姓置之不便

永平五年作常平倉。魏司馬文王時杜預奏與常平倉定穀價。晉

武帝四年立常平倉豐糴而儉糴以利百姓。南齊武帝永明中欲立

常平倉詔出上庫錢五十萬於京師市米絲綿絹布外自南徐州至雍

州各出錢市易。後魏天和中置常平倉。隋開皇三年陝州置常平

倉京師置常平監。唐高祖武德元年置常平監五年廢之唐志曰倉部以常平

備凶置令太宗正觀十三年置常平屬粟藏九年米藏五年下濕之

地粟五年米三年著于令。高宗永徽六年京東西市置常平倉。元

宗開元二年令諸州修常平倉法江淮浙劔南地不堪貯積不在此例

七年勅關內隴右河南河北五道及餘州並置常平倉其本上州三十

貫中州二十貫下州二十貫宇文融請以所得客戶稅錢充常平本至

天寶八年自關南道至山南道常平倉總四百六十萬三千二百二十

碩。代宗廣德中第五琦請天下常平倉置庫以蓄本錢。德宗建中

三年趙贊言常平倉廢三十年請置之時國用促迫不能備常平之

又議稅天下茶漆十取一為常平本錢。憲宗元和中詔於州府務

數內十取一二充常平倉。文宗太和中以回易錢置常平倉此歷代

常平倉之法也

此齊制入每制出義租五斗納郡以備水旱。陳文帝亦用此法

中令郡皆置富人倉穀賤時量富當年義租充入穀貴下價糴之

糴貯。隋開皇五年長孫平請令百姓軍人當禮共立義倉勸課

及麥飢饉即以此穀賑給遂詔州縣置義倉十五年詔義倉止防水旱

百姓不許輕賣十六年又詔社倉準上中下三等稅上戶一石中戶七斗下戶四斗。唐武德元年置社倉倉部掌。太宗正觀中戴曹曹大業中國用不足並取社倉以充官費故未途無以支給請自王公以下出粟稻麥納所在立義倉倉部掌。太宗從之令田畝納二升以備凶年自是天下州縣始置義倉。高宗永徽二年詔義倉據地取稅實是勞煩令戶出粟上上戶五石餘戶有差至武后數十年間義倉不許雜用其後公私窘迫貧義倉支用自中宗神龍之後天下義倉費用向盡初元中定式畝稅二升以為義倉故天寶八年自關內道至山南道義倉總六千三百一十七萬餘石。德宗時韋倫請為義倉以得荒年墜贖亦請以戶部稅茶錢均之諸道穀麥熟則平糶以義倉為名無牟大利。穆宗長慶中詔義倉所在益用宜令諸州錄事參軍專主。文宗大和中以天下由義錢置義倉本錢開成中戶部請田別納粟又外添貯義倉此歷代義倉之法也。天朝市糶之名有三和糶以見錢給之博糶以地物給便糶商賈以物

引給之。太祖建隆中河北穀賤添價散糶以惠貧民自後諸道豐稔必詔諸道漕司增價和糶。太宗淳化中京畿置場增價糶貯近倉令常參官領之歲歉減價以糶永為定制。仁宗嘗以左藏三十萬應河北和糶之用時韓琦論和糶價匪高於市糶何人肯糶與官。天聖中淮南江浙置制司請計民稅米一石量糶四分之一上曰是重斂也不許。皇祐中上曰轉運惟務誅剝以敷斂為能雖名和糶實抑配爾聖。神宗亦嘗以六十餘萬充江淮和糶。高宗紹興中戒漕臣曰以錢給於民宜戒戒尅穀輸於倉無取羨餘則公私兩便矣委提轉覺察飭州縣給散俸錢又詔三弊一本錢不內散二將剩數此宋和糶之良法也。

宋太宗淳化三年置常平倉糶場。真宗景德中於京淮江浙置倉人轉運司差州縣官專掌之。祥符中諸路常平倉經二年支作軍糧以新者給之。天禧詔出糶上以元價為準又詔蜀廣並置倉。慶曆四年詔天下有支借者以違制論。嘉祐中詔三司支錢百萬下諸路助

糴米又詔天下置廣惠倉給民之不能自存者。神宗時專置一司以掌之分隸戶部右曹郡縣屬之丞貳後用擅發皆有禁及至熙寧中王安石變常平法廣惠倉易散青苗每夏秋已前召人請領今隨統送納取息。高宗建炎中詔復常平永勿復行青苗之法此宋常平之法也。太祖建隆中詔諸州縣各置義倉自今稅每二石別輸一斗以備凶歉。乾德四年罷之。太宗淳化二年令諸州惠民倉糴補貴減價以糴咸平中置於福建。仁宗慶曆中詔天下復立義倉時王琪言宜於正稅外每二斗別納一升入於倉從之又詔新義倉止令分三等戶輸之五年罷義倉。熙寧二年詔義倉並廢會。高宗紹興中曰義倉所以備凶荒比年州縣所侵盜移用或賑不均令戶部措置聖。此宋義倉之法也。宋初建立常平自淳化三年始義倉自建隆四年始也。總論平糴斂散之法出於管仲李悝。漢景壽昌言於宣帝請置倉曰常平蓋有受管李悝遺業者矣蕭望之爭議是儒者之不通世務也至元帝幸罷之望之之言果酬何耶。東

都立是倉劉般以為外各利民內實侵刻明帝却其議而立之又何。魏晉以降廢興不常宋明擬常平之制出上庫諸郡錢數千萬而其求接其有不徒曰米粟而布帛之屬皆在焉是果壽昌之舊乎。隋開皇中置倉備水旱轉相灌注若衛之黎陽華之廣通路之河陽石陝之倉獨名以常平豈斂散之制專行於陝而不行於他郡乎蓋常平市糴之本在唐元帝時取諸客戶在德宗時取諸茶漆在憲宗時取諸路地稅在文帝時取諸田易自唐而上不知於何取之開成修常平法淮南劔南諸道以下温不堪貯積其策果可行乎故祖宗以來常平義倉之法並行不廢淳化中歲穰物賤始為市糴於京城景德中於京東西河東北陝西南兩浙八路置常平市糴之法其立倉之名初曰惠民至家淳化則置場為景德之後天下置之始定常平號天禧之數十八餘萬熙寧以來釋吏以任之置使以糾之此常平之法也。宋太祖建隆中詔天下置義倉官收二稅每石別輸一斗以備凶歉慶曆中詔天下之義倉自第五等以上於夏秋正稅外率二十而取一谷

於州邑擇其地置倉以貯之此義倉之法也

常平歲上儲之冬平之秋糴景德之詔可導也留歲

唐之米額為之備
祥符之詔可稽也

茶鹽

虞夏之時青州鹽締之貢載於書至於周山澤有虞川林有衡為之厲
 禁而已鹽人一官不過供王之用度自管仲管山海正鹽筴計煮海之
 利自一家之食餼合以累之通之于下以富強其國。秦漢以來禁弛
 太史公貨殖一傳所載如烏氏之徒皆以鹽鐵起家富得王者吳王濞
 煮海為鹽而國用饒自武帝事征伐則用匱於是孔郡咸陽幹山海募
 民煮鹽官給牢盆私犯者斬左趾汝羊維之而鹽鐵之官數十布在郡
 國。昭帝即位賢良文學之士皆對願罷鹽鐵而汝羊以為安邊足用
 不可廢孝元時雖因諸儒之言不與民爭利既罷而尋復。後漢張林
 亦請官自鬻鹽楚安初衛覬請置監鹽官。魏武從之。陳文帝時孔
 奭奏立莫海鹽稅。後魏弛鹽禁與民共之而富豪之家乘勢占奪右
 復置監官以監檢焉。後周文帝置掌監之政令之一日散鹽煮海以成

化之三曰形鹽地以出
之四曰給於我取之
百姓取之皆有稅。隋開皇通鹽池監

百姓共之。唐鹽池十八井六百四十皆隸度支天寶至德間每斗十

錢乾元元年中鹽鐵使第五琦初變鹽法近諸州權鹽鐵使推天下

鹽斗加價百錢而出之為錢一百一十及兵興劉晏為鹽鐵使因民所

急而稅之乃上監法輕重之宜因舊監置吏率戶出木商人縱其所之

舟所過州縣有稅晏奏罷晏之始制也鹽利歲纔四十萬緒至天曆末

六百餘萬緒天下之賦鹽居其半迨順宗時李巽為鹽鐵使初歲之利

如晏之季年其後則三陪晏時矣時已餘茶志云天下不雜鹽稅
其贏六百六十五萬云穆宗長

慶中張平叙請官自糶鹽又請將鹽就其糶場又請以鹽多少為刺史

縣令數最又請據口團結使其四季輸錢韓愈上言以為郭外少錢糶

鹽多以雜物貿易或賒貸徐選令人吏坐鋪非得見錢必不敢受負者

無從得鹽自然坐失常課人吏以鹽官家至戶到而糶必索百姓供糶

又刺史縣令職在分憂豈可以鹽多少為之升黜又據口給鹽貧家或

有淡食者則官吏必用威刑平叔又請行此策有商賈喧呼者重法禁

之韋處厚議曰絕強人之所不能事必不立禁人之所必犯事必不行
 議遂寢。初德宗之時趙贊議稅天下茶漆竹木十取一以為常平本
 錢奉天之幸旋即悔罷及正元中張滂復奏行之然十才統一歲得錢
 不過四十萬緒耳至穆宗時王播增天下茶稅率百錢增五十鹽鐵使
 戶部分領之李珣已言其不可其後王涯置榷茶使徙民茶樹於官場
 焚其舊積天下大怨令孤楚代之納榷如武宗時又增江淮茶稅是時
 茶商所過州縣重稅或掠奪舟車崔珙之蜀地錢于崇之刺茶錢公稅
 加重私販益起而罪有論死者矣迨五代晉天福中以百姓犯鹽禁乃
 以食鹽錢於諸道計戶配之作五等自一貫以至二百乃令人逐便與
 販其後鹽貨頓賤介不上二十於是又重置稅焉五代會要張方言
均之兩稅有鹽產錢及仁宗時王拱辰
長請推河北益方平以為再榷也宋茶禁之禁承五代嚴酷之餘
 治太祖肇興日從寬簡建隆之初首寬鹽禁私犯者或更以輕與偽蜀
 鹽價既高時命減之以優民開寶七年有司請高湖南茶價上以困賊
 而弗許。太平興國中罷昌州虛額鹽萬八千餘斤淳化中許茶商

出茶處自茶自江之南悉免其禁景德中有司條制茶事過為嚴禁
論之使裁損又臣僚請於興元置榷茶場帝以擾民而弗許天聖七年
上言者請更議茶鹽之法帝謂中臣曰茶鹽民所食而疆設法以禁之
致犯法者衆但以贍養兵京師經費尚廣夫能弛之耳國朝
會要慶曆三年
詔議者多言天下茶鹽坑冶之有遺利朕懼開招越之政常抑而弗宣
慮有過取而傷者皇朝
編年嘉祐四年詔山澤之利與民共之遣使就問皆
靡然願弛茶禁歲入之課以時上官又於歲輸裁減其數刻去禁條俾
通商利皇祐中詔三司解鹽通商因范祥之議也合在嘉祐
並會要宋陳執中
在西府乞寬茶鹽之利富弼在諫垣乞弛茶鹽之禁歐陽脩在館職乞
通茶鹽之法

榷茶

茶之有統起於唐之趙贊茶之有權又起於唐之王涯如王播裴休皆
 主榷茶之議者國家百年茶法之變不知其幾始嘗榷筦矣又嘗行射
 帖矣又嘗罷射帖而行交引矣又嘗正三分法矣十分茶價四分給香

藥三犀象茶引別以二十一色四朝云茶法皇朝及至天聖元年改茶
 法官收淨利錢聽人戶興販自天聖以來屢易至嘉祐始行通商雖議
 者以為不便然更法之意則主於優民也東南數路皆通商唯蜀中獨
 禁推崇寧中蔡京大改茶法仍舊禁權園戶歲鬻於官商人於權貨務
 入納給引咸平元年茶利錢百三十九萬餘貫五年六權務十三場權
 茶引之息百四十萬餘緡王安石曰仁宗時茶法極弊歲猶得九十餘
 萬貫政和中收息至四萬貫有奇

權鹽

權鹽之議成於漢之孔僅秦弘羊至唐而劉晏第五琦皆主權鹽之議
 者至宋朝權鹽惟海鹽解鹽最貧國用鹽有出於井有出於海有出於
 池其大畧三種其外又有出於石者又有出於木者品類不一蜀中之
 井鹽自贍一方海鹽方國初鈔法未行置倉於建安軍轉米入倉空船
 載鹽散於江浙諸路得鹽資船運而民力寬解池之鹽朝廷專置使以
 領之今古契丹西夏之常解池之利大抵海鹽井鹽則用烹煉

而人力可為也解鹽疏為畦隴決水灌其間南風起而鹽乃熟此資
 天者也國家天下十八路而鹽之所出者十二路。淮南。河北。河
 東。陝西。兩浙。湖北。福建。廣東。益州。明州。梓州。夔
 州是也為池二監十場二十二井八百二十二歲入之多自兩稅之外
 莫大於鹽利祖宗鹽利大率二千餘緡。仁宗時議臣欲權河北鹽張
 方平言為河北再權鹽也周世宗嘗以鹽課均之為兩稅矣仁宗納其
 言而不行其後章子厚為相而再行禁權矣蔡京秉政專利罔民使商
 賈入納於官自此為鈔鹽法然而法數十日一變暨法既及鈔不可用
 商賈折閱此海鹽之一變也蓋徽宗時雨水不常防固不密而外水入
 解池不復成鹽遂失課息後始興工車出外水此解鹽之一變也今則
 曰閩橋則官鬻淮浙江湖則通商然則茶自嘉祐收淨利均之茶戶輸
 之使自興販矣而蔡京又復權茶此權之又權者也河北鹽自五代均
 之稅戶而通商矣章子厚復行權鹽之法此亦權之又權者在官和
 特淮南鹽利自千五百萬緡今淮南鹽利亦同

宋之茶唯川陝廣南茶聽民自買賣禁其出境餘悉權犯者有刑淮南
 六州官曰為場十三置吏以總之黃州麻城場蘄州洗馬場石橋場王
 琪場壽州霍山場麻步場開順場舒州羅源場大湖場光州商城場子
 安場光山場六州採茶之民皆隸焉謂之園戶其茶皆課園戶輸賣或
 折稅以備權貨務商旅等請也其在江南十州宣歙池饒江西五軍
廣德興國臨兩浙十二州蘇杭越明婺處荆湖八州荆潭鼎澧福建二
 州建昌南康其茶皆轉輸要會之地其六道州軍皆置推務或買或折迨至宋
 太祖乾德二年詔在京建州漢蘄口各置權貨務五年始禁私賣華
 太宗太平興國二年刪定禁法。淳化二年許商賈就園戶買茶於官
 場貼射始行貼射法。四年行交引法罷貼射又罷推務。仁宗天聖
 元年改三分法復行貼射法改淮南山場茶法官不收買聽入戶與販
 收淨利錢其客旅聽於在京入便見錢於所在給之同。嘉祐三年時
 臘茶之禁尤嚴於已隕罪者衆茶法屢更歲課日削宰相陳通商之法

命即三司置局議之。四年韓絳及三司言宜納至和之後一歲之數
 以民得息錢均賦茶民恣其買賣所杜無等後以賦茶戶錢謂之租錢
 與諸路本錢悉儲以待邊糴自是唯臘茶禁如舊餘茶四行天下矣續
 神宗元豐七年福建路轉運副使王子京言建州臘茶舊立權法
 遂權聽通商自此茶戶售客之茶甚良官中所得唯常茶稅錢極微南
 劍州亦出二十餘萬欲盡買入官度逐州軍民戶多少及約隣路民用
 之數計置即官場賣嚴立告賞禁建州賣私未茶乞借豐國監分十萬
 緡為本並從之編自熙寧七年至元豐八年增廣茶法蜀道茶場四十
 一京西路金州為場六陝西賣茶為場三百三十二熙寧七年稅息分
 四十萬緡元豐五年五十萬七年增羨至一百六十萬緡詔定以百萬
 緡為歲額除充官經費外並儲陝西以待詔用食貨志。高宗紹興二十
 五年言者請於產茶地分差官置場收買庶免私販之患上問宰執曰
 今天下一歲茶利所入幾何秦檜曰都茶場三處共得二百七十餘萬
 貫上曰此承平少陝西諸路其數止如此則

交引

太祖乾德二年諸州民有茶附折稅外官悉市之許民於京師輸金銀錢帛官給券就權務以茶償之後以西北用兵又募商人入中粟麥竹木於邊郡給文券謂之交引許就公江權務自請射茶郡所入直十五六千至二十千即給券百千謂之加槩然商人入中者不知茶利至京皆以茶引鬻於茶商百千纔得二十餘緡謂之實錢輦下坐實遂專蓄交引以射利謂之引鋪歲月滋深公江茶務交引至茶錢充給計歲入新茶三年不能償其弊如此。至景德三年邊陲罷守言事者多言權務非便乃命塩鐵使林特議更其法特請依時價官收交引每茶價及百千者官收實錢五十千其執見交引至務者量抽十之二行之一年。真宗又命三司同較利害特等請罷比較茶法商旅無疑感四年特等以課增遷官

茶課

茶利除本外淨入錢權時取十年最中數計一百九萬四千餘貫。

咸平元年一百三十九餘萬貫。始行交引時諸州產茶幾一千百萬斤別以二十一色六權務十三場收息百四十七萬緡。又云景德三年前歲收錢七十三萬餘貫自林特改法官收交引後行之三年共收七百九萬貫。

群書考索卷五十六

後集